

**TREOIRLÍNTÉ DO CHOMHALTAÍ DE SHEANAD
ÉIREANN NACH SEALBHÓIRÍ OIFIGE MAIDIR LEIS
NA BEARTA ATÁ LE DÉANAMH ACU LENA
CHINNTIÚ GO gCOMHLÍONTAR FORÁLACHA NA
nACHTANNA UM EITIC IN OIFIGÍ POIBLÍ, 1995
AGUS 2001.**

Arna fhoilsiú ag an gCoiste um Leasanna Chomhaltaí Sheanad Éireann
Eanáir 2023.

**Treoir do chomhaltaí (nach sealbhóirí oifige) don tréimhse chlárúcháin ón 1 Eanáir 2022 go
dtí an 31 Nollaig 2022**

Clár an Ábhair

Forléargas ar na hAchtanna um Eitic in Oifigí Poiblí, 1995 agus 2001	3
Réamhrá leis na Treoirlínte	4
Treoirlínte do Chomhaltaí amháin; nach Sealbhóirí Oifige	5
Nós imeachta maidir le Leasanna a Chlárú	6
Leasanna Inchláraithe	7
1. Slite beatha	7
2. Scaireanna	8
3. Stiúrthóireachtaí	9
4. Talamh	9
5. Bronntanais	11
6. Maoin agus seirbhís	11
7. Saoráidí taistil	12
8. Post lena ngabhann luach saothair	14
9. Conarthaí	14
10. Treoir għinearálta	14
Dearbhú Leasanna in Imeachtaí	16
Gníomhartha sonraithe	17
Deimhnithe Imréitigh Cánach agus Dearbhuithe Reachtúla chun críoch Toghcháin	19
Foscríbhinn 1 – Mínithe	20
Foscríbhinn 2 – Cód Iompair	24

Na hAchtanna um Eitic in Oifigí Poiblí, 1995 agus 2001

(Acht Uimhir 22 de 1995 agus Acht Uimhir 31 de 2001)

Déanann na hAchtanna um Eitic in Oifigí Poiblí, 1995 agus 2001 (“na hAchtanna um Eitic”) socrú le haghaidh nochtadh na leasanna atá ag sealbhóirí oifigí poiblí áirithe, lena n-áirítéar comhaltaí de Thithe an Oireachtais, agus stiúrthóirí ainmnithe ar chomhlachtaí poiblí áirithe agus ag daoine atá fostaithe i bpoist ainmnithe i gcomhlachtaí poiblí áirithe. Déileálann na hAchtanna um Eitic freisin, *inter alia*, le bronntanais do shealbhóirí oifigí poiblí áirithe agus le ceapacháin phearsanta a dhéanann siad. Leis na hAchtanna um Eitic bunaíodh Coimisiún um Chaighdeán in Oifigí Poiblí neamhspleách agus Roghchoiste um Leasanna Comhaltaí i ngach Teach den Oireachtas.

Is é an ról atá ag an gCoiste um Leasanna Chomhaltaí Sheanad Éireann (an Coiste) treoracha a fhoilsíú, Cód Iompair a tharraingt suas chun Treoir a thabhairt do Chomhaltaí nach sealbhóirí oifige, comhairle a chur ar fáil lena chinntíú go gcomhlíontar na hAchtanna um Eitic agus imscrúdú a dhéanamh agus tuarascáil a thabhairt i ndáil le sáruithe a d’fhéadfadh a bheith déanta ar na hAchtanna um Eitic.

Leis an Acht um Chaighdeán in Oifigí Poiblí, 2001 (“Acht 2001”), tugadh isteach réimse nua gearán a d’fhéadfaí a dhéanamh maidir le comhaltaí. Féadfaidh comhalta nó aon duine eile gearán den sórt sin a dhéanamh, i leith comhalta de Sheanad Éireann nó i leith duine bainteach, lena líomhnaítear go mb’fhéidir go ndearna an comhalta sin gníomh nó neamhghníomh, ar gníomh nó neamhghníomh é de chineál, nó, maidir le himthosca an chéanna, gur imthosca iad de chineál, a bheidh ar neamhréir le comhlíonadh cuí fheidhmeanna na hoifige ag comhalta nó le muinín an phobail i gcoitinne sa chomhlíonadh sin a choinneáil, agus gur ní é a ngabhann tábhacht shuntasach phoiblí leis. Baineann feidhmeanna seo an Choiste leis na comhaltaí sin de Sheanad Éireann *nach* sealbhóirí oifigí poiblí áirithe.

Tá feidhmeanna dá samhail ag an Roghchoiste um Leasanna Chomhaltaí Dháil Éireann i ndáil le comhaltaí den Dáil (*nach* sealbhóirí oifigí poiblí áirithe) agus tá feidhmeanna dá samhail ag an gCoimisiún um Chaighdeán in Oifigí Poiblí i ndáil le sealbhóirí oifigí poiblí áirithe, le comhairleoirí speisialta agus le stiúrthóirí ainmnithe agus daoine fostaithe ainmnithe i bpoist ainmnithe i gcomhlachtaí poiblí áirithe.

Réamhrá leis na Treoirlínte.

Rinne an Coimisiún na treoirlínte do chomhaltaí seo a tharraingt suas tar éis dó dul i gcomhairle leis an gCoimisiún um Chaighdeáin in Oifigí Poiblí agus leis an Roghchoiste um Leasanna Chomhaltaí Dháil Éireann, mar a cheanglaítear le halt 12 den Acht um Eitic in Oifigí Poiblí, 1995 (arna leasú) (“Acht 1995”). Baineann na treoirlínte seo go sonrach le comhultaí de Sheanad Éireann *nach* sealbhóirí oifigí. D’fhoilsigh an Coimisiún um Chaighdeáin in Oifigí Poiblí treoirlínte ar leith do chomhaltaí *is* sealbhóirí oifige, comhairleoírí speisialta, stiúrthóirí ainmnithe agus daoine fostaithe i gcomhaltaí poiblí áirithe.

Cuireann na treoirlínte faisnéis ar fáil maidir leis na bearta is gá do chomhaltaí a dhéanamh chun ceanglais na nAchtanna um Eitic a chomhlíonadh.

Foráiltear le halt 12(4) d’Acht 1995 nach foláir do chomhaltaí gníomhú de réir na dtreoirlínte agus de réir aon comhairle a thabharfaidh an Coiste faoin alt sin mura rud é, de bharr é nó í do dhéanamh amhlaidh, go mbeadh sárú déanta aige nó aici ar fhoraíl eile de na hAchtanna um Eitic. Más rud é, dar le comhulta, go mbaineann doiléire le haon ghné dá chuid dualgas nó dá cuid dualgas faoi na hAchtanna, is cóir dó nó di comhairle a lorg ón gCoiste de bhun alt 12(1)(b).

[Nóta: Tagann roinnt eochairthéarmaí chun cinn san Acht agus sna treoirlínte. Leagtar iad seo amach le **cló trom** orthu an chéad uair a bhíonn siad le feiceáil in alt téacs agus tugtar míniú ar gach téarma díobh i bhFoscríbhinn 1.]

Treoirlínte do Chomhaltaí amháin: nach Sealbhóirí Oifige

Cuireadh na treoirlínte seo i dtoll a chéile lena n-úsáid ag comhaltaí de Sheanad Éireann *nach* sealbhóirí oifige. Mar a luadh cheana, d'eisigh an Coimisiún um Chaighdeáin in Oifigí Poiblí treoirlínte ar leith le haghaidh sealbhóirí oifige. Mar eolas do chomhaltaí, tugtar leis seo thíos liosta sealbhóirí oifige agus, dá réir sin, is cóir d'aon chomhalta ar sealbhóir oifige é nó í na treoirlínte a d'eisigh an Coimisiún um Chaighdeáin in Oifigí Poiblí a cheadú agus, i gcás aon fhiosrú, is cóir dó nó di dul i dteagmháil leis an gcomhlacht sin le haghaidh comhairle.

Sna hAchtanna agus sna treoirlínte, ciallaíonn “sealbhóir oifige”:

An Taoiseach,

An Tánaiste,

Aon Aire,

Aon Aire Stáit,

Comhalta de Dháil Éireann nó de Sheanad Éireann arb é nó í an tArd-Aighne é nó í,

Duine arb é nó í Cathaoirleach nó Leas-Chathaoirleach Dháil Éireann nó Cathaoirleach nó Leas-Chathaoirleach Sheanad Éireann é nó í,

Duine atá i seilbh oifig mar Chathaoirleach coiste de cheachtar Teach, ar oifig í atá arna sainainmniú chun críocha an Acharta de thuras na huaire le rún ón Teach sin, nó

Duine atá i seilbh oifig mar Chathaoirleach comhchoiste den dá Theach, ar oifig í atá arna sainainmniú chun críocha an Acharta de thuras na huaire le rún ón dá Theach.

Nósimeachta maidir le Leasanna a Chlárú

Más comhalta de Sheanad Éireann thú an 31 Nollaig 2022¹, ceanglaítear ort ráiteas i scríbhinn maidir le do leasanna inchláraithe a chur faoi bhráid an Choimisiúin um Chaighdeáin in Oifigí Poiblí (“an Coimisiún”) faoin 31 Eanáir 2022, ar fhoirm a sholáthróidh an Coimisiún. Is cóir go gcuimseoidh an ráiteas aon tréimhse nó tréimhsí a raibh tú i do chomhalta de cheachtar Teach den Oireachtas lena linn, idir an 1 Eanáir 2022 agus an 31 Nollaig 2022 - an dá dháta san áireamh. Sna Treoirlínte seo déantar tagairt don tréimhse seo, dá ngairtear an “tréimhse chuí” sna hAchtanna, mar “an Tréimhse Chlárúcháin”.

Déanfar do ráiteas maidir le leasanna inchláraithe a thaifeadadh ar chlár arna bhunú ag an gCléireach agus tabharfaidh an Cléireach coip den chlár don Choimisiún um Chaighdeáin in Oifigí Poiblí agus leagfar í faoi bhráid Sheanad Éireann agus foilseofar í san *Iris Oifigiúil*. Féadfaidh an Cléireach earráidí sa chlár a cheartú agus an clár a leasú mar a fhoráiltear sna hAchtanna.

¹ Tabharfaidh tú do d’aire ón míniú ar “**dáta clárúcháin**” i bhFoscríbhinn 1 gurb é an 31 Nollaig an dáta seo i gcónaí, mura rud é go mbeidh an Dáil ar lánscor ar an dáta sin chun olltoghchán a reáchtáil. I gcás go mbeidh an Dáil ar lánscor an 31 Nollaig, is é an dáta clárúcháin don bhliain sin an dáta 30 lá tar éis dháta an chéad chruinnithe eile de Sheanad Éireann tar éis an chéad olltoghchán do chomhaltaí de Sheanad Éireann tar éis an lánscoir sin. Is cóir a thabhairt do d’aire go rachaidh an dáta clárúcháin ar ais go 31 Nollaig don bhliain ina dhiaidh sin.

Leasanna Inchláraithe

Sna haitl seo a leanas sonraítear na leasanna inchláraithe nach foláir duit mar chomhalta a nochtadh i do ráiteas bliantúil. Is cóir a thabhairt do d'aire *nach* gá a shonrú in aon ráiteas maidir le leasanna inchláraithe *méid ná luach airgid* aon leasa nó an luach saothair ó aon trádáil, gairm, fostáiocht, gairm bheatha nó slí bheatha eile a áirítear sa ráiteas. Is cóir a thabhairt do d'aire, seachas nuair a dhéantar tagairt go sonrach sa chuid seo (i.e. i ndáil le bronntanais, maoin agus seirbhísí agus saoráidí taistil, etc.) go bhfuil leas inchláraithe/in-nochta is cuma cé acu a d'fhéadfadh sé nó nach bhféadfadh sé tionchar ábhartha a imirt ar chomhalta i gcomhlíonadh a fheidhmeanna parlaiminte nó a feidhmeanna parlaiminte.

1. Slite bheatha, etc.

Trádáil, gairm, fostáiocht, gairm bheatha nó slí bheatha eile a shealbhaíonn tú, a dtugtar luach saothair ina leith (seachas comhalta, sealbhóir oifige nó slí bheatha a bhfuil feidhm ag Cuid IV den Acht maidir léi: eadhon Ard-Aighne, comhairleoir speisialta, sealbhóir stiúrthóireachta ainmnithe nó duine a raibh post ainmnithe sa státseirbhís nó san earnáil leath-Stáit aige nó aici) agus ar mó ná €2,600 an luach saothair, e.g. pá, pinsean, aiscí scoir, sochair chomhchineáil, ioncam cíosa (lena n-áirítear ioncam cíosa ó thithe saoire nó aon mhaoin eile), íocaíochtaí téarfa, etc., a fhaightear uaidh nó uaithi le linn na tréimhse clárúcháin. Nóta: Ní gá go raibh an comhalta i seilbh an róil agus/nó go ndearna sé nó sí an obair iomchuí le linn na tréimhse clárúcháin. Is é an tráth a fuarthas an luach saothair/an t-ioncam/an íocaíocht an ní is tábhactaí.

Figiúr comhlán is ea an figiúr tairsí €2,600. Déantar luach saothair/íocaíocht/ioncam etc. ón trádáil, ón ngairm, ón bhfostáiocht chéanna etc. a charnadh thar an tréimhse chlárúcháin.

I gcás go bhfaightear ioncam ó thalamh/maoin (lena n-áirítear aon teach/árasán) a shealbhaítear i gcomhpháirt le duine eile is fútsa a bheidh sé a chinneadh cé acu a sháraigh do sciar den ioncam sin €2,600 le linn na tréimhse clárúcháin lena mbaineann nó nár sháraigh.

Má fhaigheann tú ioncam trí “theach príobháideach”² mar a mhínítear é faoin teideal “Talamh” thíos a ligean ar cíos, is cóir slí bheatha mar Thiarna Talún nó Léasóir a dhearbhú más mó ná €2,600 an t-ioncam seo le linn na tréimhse clárúcháin. Dá bhrí sin, mar shampla, má ligéann tú do theach saoire ar cíos, níl an teach saoire, más “teach príobháideach” é de réir bhrí Acht 1995 (féach an t-alt maidir le Talamh thíos), inchláraithe ach is inchláraithe aon ioncam cíosa faoin teideal seo nuair is mó an méid ná an tairseach. Ar an gcaoi chéanna, má tá an dara maoin agat atá á háitiú go páirteach ag leanbh leat, agus ar cíos go páirteach, féadfar fós an mhaoin a aicmiú mar ‘theach príobháideach’ chun críocha na reachtaíochta ach tiocfaidh an tSílí Bheatha mar Thiarna Talún nó Léasóir chun bheith inchláraithe nuair is mó an t-ioncam ná an tairseach. Tabhair do d'aire nach gá duit seoladh iomlán na maoine a chur ar fáil i gcás teach príobháideach.

Maidir le gnáth-theidlíochtaí pinsean a fabhraíodh agus nach raibh iníochta le linn na

2 De réir bhrí alt 1(4) den Dara Sceideal d'Acht 1995

tréimhse clárúcháin, ní bheidh siad ináirithe chun luach saothair a ríomh.

Fágann ioncam is mó ná €2,600 sa tréimhse chlárúcháin lena mbaineann go bhfuil an trádáil, an ghairm, an fhostaíocht, an ghairm bheatha nó an tslí bheatha eile inchláraithe fiú mura tú féin a dhéanann an gnó lena mbaineann an leas sin.

Tabhair do d'aire, le do thoil, nach gceanglaítear ort in aon chás méid an ioncaim/an luacha saothair a fuarthas a shonrú. Is é an rud nach mór a dhéanamh ná an tslí bheatha a chlárú.

2. Scaireanna, etc.

Más rud é, aon tráth le linn na tréimhse clárúcháin lena mbaineann, go raibh agat sealbhán scaireanna, bannaí (lena n-áirítear bannaí rialtais), bintiúr nó infheistíochtaí eile dá samhail, cibé acu infheistíochtaí intíre nó infheistíochtaí coigríche, lena ngabhall margadhlúach comhiomlán *is mó ná* €13,000, i leith aon **chuideachta**, fiontar nó gnóthas amháin, ceanglaítear ort an sealbhán sin a nochtadh. Dá réir sin, mar shampla, má shealbháíonn comhalta luach €12,000 i gcuideachta amháin agus luach €11,000 i gcuideachta eile, níl aon oibleagáid ar an gcomhalta ceachtar sealbhán a nochtadh ainneoin gur mó ná €13,000 comhlúach an dá shealbhán.

Is é glanluach na cuideachta an figiúr iomchuí i ndáil le luach scairshealbháin i gcuideachta phríobháideach theoranta. Féadfar glanluach na cuideachta a ríomh trí ghlandliteanais na cuideachta a bhaint ó ghlansócmhainní na cuideachta. Más rud é, aon tráth le linn na tréimhse clárúcháin, go mba mhó ná €13,000 do sciar³ de ghlánluach na cuideachta, is cóir duit do leas a chlárú. Más rud é nach bhfuil tú cinnte an gá nó nach gá an scairshealbhán agat a chlárú, is cóir duit comhairle a lorg ar an gCoiste um Leasanna Chomhaltaí Sheanad Éireann. Má thagann aon saincheist chun cinn maidir le cibé acu a bhí scairshealbhán inchláraithe, féadfaidh an Coiste, *inter alia*, dul i muinín figiúirí a chuir an chuideachta faoi bhráid aon ghníomhaireacht stáit (e.g. an Oifig um Chlárú Cuideachtaí nó na Coimisinéirí Ioncaim), i gcás go mbíonn fáil ar fligiúirí den sórt sin.

Is é margadhlúach na scaireanna le linn na tréimhse clárúcháin an figiúr iomchuí i ndáil le cuideachta phoiblí theoranta.

Ní fholaíonn sealbhán airgead atá i gcuntas reatha, i gcuntas taisce nó i gcuntas eile dá samhail, lena n-áirítear cuntas CSDC bunaithe ar thaiscí le foras airgeadais ach foláonn sé sealbhán in iontaobhais aonad, cistí bainistithe nó cuntais CSDC bunaithe ar chothromas.

Maidir le sealbhán in iontaobhas aonad nó i gciste bainistithe, más rud é, tráth ar bith le linn na tréimhse clárúcháin, gur mó ná €13,000 luach na hinfheistíochta foriomláine comhiomláine, ní foláir a nochtadh gurb ann don sealbhán. Ní gá miondealú a thabhairt ar infheistíochtaí aonair laistigh den sealbhán san iontaobhas aonad nó sa chiste bainistithe.

3 Is féidir sciar a shainmhíniú mar an céatadán atá agat den scairshealbhán.

Ní nithe inchláraithe iad scaireanna, bannaí (lena n-áirítear bannaí rialtais), bintiúir nó infheistíochtaí eile dá samhail, cibé acu intíre nó coigríche, atá i do sheilbh féin amháin i gcáil mar sheiceadóir Uachta. Más rud é, áfach, chomh maith le bheith i do sheiceadóir, gur tú tairbhí na scaireanna, na mbannaí (lena n-áirítear bannaí rialtais), na mbintiúr nó na n-infheistíochtaí eile dá samhail, beidh an leas seo inchláraithe más mó ná €13,000 a luach aon tráth le linn na tréimhse clárúcháin lena mbaineann agus más rud é gur aistríodh chugat na scaireanna nó má tá sé de cheart agat, mar sheiceadóir, úinéireacht na scaireanna sin a aistriú chugat féin.

Maidir le haon infheistíocht is mó ná luach €13,000 agus a shealbhaítear i gcuideachta is ábhar do Scéim um Leathnú Gnó, is leas inchláraithe í. Is cóir luach aon leasa den chineál seo a mheas i gcoinne mhéid na hinfheistíochta bunaidh seachas i gcoinne a luacha a athraíonn go tréimhsíúil.

Ní cheanglaítear nochtadh a dhéanamh ar chiste pinsin a ndéanann tú íocaíochtaí ina leith, nach dtiocfaidh chun aibíochta go dtí go rachaidh tú ar scor agus nach bhfuil aon díbhinní iníocha ina leith.

3. Stiúrthóireachtaí.

Is leas inchláraithe í stiúrthóireacht aon chuideachta, stiúrthóireacht *de facto* aon chuideachta nó stiúrthóireacht fholaitheach aon chuideachta a shealbhaigh tú aon tráth le linn na tréimhse clárúcháin.

D’fhonn amhras a sheachaint—

- Is cóir duit AON stiúrthóireacht a shealbhaigh tú le linn duit a bheith i do chomhalta de cheachtar Teach den Oireachtas, aon tráth idir an 1 Eanáir 2022 agus an 31 Nollaig 2022, an dá dháta sin san áireamh, a chur san áireamh i do ráiteas maidir le leasanna inchláraithe.
- Áirítear sa mhéid sin aon stiúrthóireacht ar éirigh tú aisti le linn 2022.
- Is le brí leathan is cóir na téarmaí “stiúrthóireacht”, “stiúrthóireacht *de facto*” agus “stiúrthóireacht fholaitheach” a léirmhíniú. Maidir leis seo, is cóir na mínithe ar “**stiúrthóir**”, “**stiúrthóir *de facto***” agus “**stiúrthóir folaitheach**” atá ar fáil ag deireadh na dTreoirlínte seo a cheadú.
- Mínítear “Cuideachta” sa reachtaíocht mar “comhlacht corporaithe” agus is cóir léirmhíniú chomh leathan agus is féidir a thabhairt ar an gcoincheap seo, i.e. cuideachta chláraithe nó neamhchláraithe, údarás áitiúil, comhlacht poiblí, comhlacht arna bhunú le cairt nó aon chomhlacht eile atá ar marthain agus ag a bhfuil cearta agus dualgais ar leithligh ó na daoine aonair a chomhdhéanann an grúpa, cibé acu is comhlacht corporaithe intíre nó coigríche atá ann.
- Níl sócmhainní atá ar úinéireacht ag Cuideachta inchláraithe.

4. Talamh.

Sa chuid seo, foláíonn “talamh” maoin agus tagraíonn gach tagairt do thalamh do mhaoin freisin. Ceanglaítear ort nochtadh a dhéanamh ar aon leas (lena n-áirítear

leasanna ruílse nó léasacha) atá agat i dtalamh, lena n-áirítéar talamh sa Stát agus talamh in aon dlínseeile, *ar mó* a luach ná €13,000 aon tráth le linn na tréimhse clárúcháin lena mbaineann, lena n-áirítéar leas in aon chonradh chun talamh a cheannach, cibé acu atá nó nach bhfuil éarlais nó páirt-íocaíocht íoftha faoin gconradh. Is cóir, ina theannta sin, nochtadh a dhéanamh ar aon leas atá agat i rogha chun talamh a cheannach, cibé acu a íocadh nó nár íocadh aon chomaoín (e.g. airgead), mar aon le haon leas atá agat i dtalamh a mbeidh rogha feidhmithe ina leith ach nach bhfuil titolactha chugat fós.

Is cóir duit nochtadh a dhéanamh ar sheoladh ionlán aon talún nó maoine ina bhfuil leas inchláraithe agat faoin teideal seo.

I gcás go sealbhaítear i gcomhpháirt le duine eile leas i dtalamh, is fút féin atá sé a chinneadh cé acu ba mhó nó nár mhó ná €13,000 do sciar den leas sin le linn na tréimhse clárúcháin lena mbaineann.

Ní leas inchláraithe talamh ná maoin atá ar seilbh agat féin amháin i do cháil mar sheiceadóir Uachte. Más rud é, áfach, chomh maith le bheith i do sheiceadóir, gur tú tairbhí na talún ná na maoine, beidh an leas sin inchláraithe más mó ná €13,000 a luach tráth ar bith le linn na tréimhse clárúcháin lena mbaineann agus más rud é gur aistríodh chugat an talamh ná an mhaoín ná má tá sé de cheart agat, mar sheiceadóir, úinéireacht na talún ná na maoine sin a aistriú chugat féin.

Ní cheanglaítear ort faoin teideal seo nochtadh a dhéanamh ar fhaisnéis maidir le do theach príobháideach agus/nó maidir le teach do chéile ná do pháirtí shibhialta agus maidir le haon talamh atá foghabhálach ná coimhdeach leis an teach sin nach bhfuil á úsáid ná á fhorbairt go príomha chun críoch tráchtála. Faoi Acht 1995, ciallaíonn an méid sin nach gá clárú a dhéanamh ar fhoirgneamh ná ar chuid d'fhoirgneamh atá ar áitiú agat, ag do chéile, ag do pháirtí sibhialta, ag leanbh leat ná ag leanbh le do chéile, mar is féidir a mheas gurb é do theach príobháideach é. Má tá níos mó ná teach amháin ar úinéireacht agat, is cóir duit clárú a dhéanamh ar aon teach nach bhfuil ar áitiú agat, ag do chéile, ag do pháirtí sibhialta, ag leanbh leat ná ag leanbh le do chéile.

Níl tithe saoire (faoi réir na treorach thíos) inchláraithe i gcás maoin den sórt sin a bheith ar áitiú agat féin, ag do chéile, ag do pháirtí sibhialta, ag leanbh leat ná ag leanbh le do chéile. Ní gá, ar an gcaoi chéanna, clárú a dhéanamh ar aon talamh atá coimhdeach le teach príobháideach (lena n-áirítéar teach saoire cáilitheach). Más rud é, áfach, go bhfuil talamh atá coimhdeach le teach príobháideach á úsáid chun críoch tráchtála, tagann talamh den sórt sin chun bheith inchláraithe. De bhréis air sin, fágann aon ioncam ón maoín, i gcás gur mó an t-ioncam sin ná tairseach chomhlán €2,600, nach foláir an tslí bheatha a chlárú. Is cóir do chomhaltaí a thabhairt dá n-aire, mar sin, cé nach bhfuil tithe príobháideacha, tithe saoire, dara maoín etc., atá ar áitiú (mar a fhoráiltear thuas), inchláraithe faoin teideal “Talamh”, fágann aon ioncam cíosa ó áitiú ar mó é ná méid comhlán €2,600, ar bhonn carnach, ó mhaoín aonair le linn na tréimhse clárúcháin, go bhfuil slí bheatha Tiarna Talún nó Léasóra inchláraithe faoin teideal “Slite Beatha” etc.

Dá bhrí sin, mar shampla: má ligean tú amach ar cíos talamh atá ag gabháil le do theach príobháideach ná do theach saoire, ní foláir an talamh sin a chlárú i gcás go n-úsáidtear é go príomha chun críoch tráchtála. Ina theannta sin, más mó an t-ioncam cíosa ná €2,600, tá an tslí bheatha de dhroim an chíosa (i.e. mar Thiarna Talún nó

Léasóir) incláraithe faoi “Slite Beatha” etc.

Ní gá duit talamh atá ar úinéireacht ag cuideachta a bhfuil baint agat léi mar stiúrthóir nó scairshealbhóir a chlárú.

5. Bronntanais.

Ceanglaítear ort nochtadh a dhéanamh ar **bhronntanas**, nó ar bhronntanais ón duine céanna, a tugadh duit le linn na tréimhse clárúcháin lena mbaineann i gcás gur mhó ná €650 a **luach**, nó a luach comhiomlán faoi seach.

Chun críoch leasanna a nochtadh, *ní fholáíonn* “bronntanas” –

- (a) síntiús mar a mhínítear é san Acht Toghcháin, 1997 (arna leasú);
- (b) bronntanas a tugadh duit ar chuíseanna pearsanta amháin,
 - (i) ag gaol nó páirtneir sibhialta nó cara leat,
 - (ii) ag gaol nó cara de chuid do chéile nó do pháirtneara sibhialta, nó
 - (iii) ag gaol nó páirtneir sibhialta nó cara de chuid do linbh (is é sin mac nó iníon d’aois ar bith), nó
 - (iv) ag gaol nó páirtneir sibhialta nó cara de chuid leanbh do chéile mura rud é go bhféadfadh glacadh an bhronntanais tionchar ábhartha a imirt ort i gcomhlíonadh d’fheidhmeanna mar chomhalta;
- (c) Aon liúntais pholaitiúla a íocatar faoi reachtaíocht.

Tá bronntanais arna dtabhairt ag do pháirtí polaitíochta duit incláraithe i gcás go mbíonn siad de bhrefis ar na gnáthsheirbhísí agus na tacaíochtaí a sholáthraíonn an páirtí de ghnáth do chomhaltaí.

Le haghaidh tuilleadh faisnéise maidir le cad is síntiús ann is cóir do chomhaltaí an doiciméad a d’eisigh an Coimisiún um Chaighdeán in Oifigí Poiblí (CCOP) dar teideal “*Treoirlínte do Chomhaltaí de Thithe an Oireachtas agus d’Ionadaithe i bParlaimint na hEorpa maidir le síntiúis a ghlacadh, a bhainistiú agus a nochtadh*” a bhaineann le síntiúis agus síntiúis thoirmiscthe a cheadú. Ina theannta sin, is cóir do chomhaltaí na hAchtanna Toghcháin, 1992–2017, lena rialaítear síntiúis agus na hoibleagáidí maidir le nochtadh ar leith a eascraíonn faoin reachtaíocht sin, a cheadú. Féadfaidh comhalta comhairle a lorg freisin ó CCOP maidir le síntiúis. Déantar na saincheisteanna a bhaineann le saoráidí taistil, le síntiúis agus le glacadh saorthaistil a bhreithniú tuilleadh in alt 7 de na treoirlínthe seo.

6. Maoin agus Seirbhís.

Ceanglaítear ort nochtadh a dhéanamh ar **mhaoin** arna soláthar duit nó **arna tabhairt ar iasacht duit**, nó ar sheirbhís arna soláthar duit, uair amháin nó níos mó ná uair amháin, ag an duine céanna le linn na tréimhse clárúcháin lena mbaineann, i gcás gur lú de bhrefis agus €650 an **praghás** (nó na **praghásanna**) ná an **chomaoin tráchtála** (nó na **comaoineacha tráchtála**) ná an **praghás tráchtála** (nó na **praghásanna tráchtála**). Folaíonn sé sin maoin arna tabhairt ar iasacht nó seirbhís arna soláthar saor in aisce i gcás gur mhó ná €650 an chomaoin tráchtála ná an praghas. Mar shampla, maidir le seomra in óstán nó i dteach ósta a soláthraíodh duit chun clinic a reáchtáil, ní foláir é a nochtadh más rud é go mbeadh ar ghnáthdhuine den phobal ar a laghad €650 níos mó

a íoc ar an tsaoráid chéanna (le linn na tréimhse clárúcháin) ná mar a bhí orts a íoc.

Maidir le “*Maoin agus Seirbhís*”, chun leasanna a chlárú, *ní fholaíonn* siad maoin arna soláthar duit nó arna tabhairt ar iasachta duit nó seirbhís arna soláthar duit:

- (a) mar bhronntanas *ar chuíseanna pearsanta amháin*
 - (i) ag gaol nó páirtnéir sibhialta ná cara leat, nó
 - (ii) ag gaol ná cara de chuid do chéile ná do pháirtnéara shibhialta, nó
 - (iii) ag gaol ná páirtnéir sibhialta ná cara de chuid do linbh ná de chuid leanbh do chéile
mura rud é go bhféadfadh glacadh an bhrónntanais tionchar ábhartha a imirt ort i gcomhlíonadh d'fheidhmeanna mar chomhalta, nó;
- (b) agus arna dearbhú agat mar shíntiús de réir bhrí an Acharta Toghcháin, 1997 (arna leasú).

D'fhéadfadh maoin ná seirbhís a sholáthraítear ná a thugtar ar iasachta chun críoch polaitíocha a bheith ina síntiús de réir bhrí an Acharta Toghcháin, 1997 (arna leasú). Ní gá maoin ná seirbhís den sórt sin, má dhearbháitear í mar shíntiús, a dhearbhú arís faoi na hAchtanna um Eitic. Ina theannta sin, ba chóir do chomhaltaí na hAchtanna Toghcháin, 1992 – 2017, lena rialaítear síntiúis agus na hoibleagáidí maidir le nochtadh ar leith a eascraíonn faoin reachtaíocht sin, a cheadú. Ba chóir do chomhaltaí na “*Treoirlinnte do Chomhaltaí de Thithe an Oireachtas agus d'Ionadaithe i bParlaimint na hEorpa maidir le síntiúis a ghlacadh, a bhainistiú agus a noctadh*” a bhaineann le síntiúis agus síntiúis thoirmiscthe, a d'eisigh an Coimisiún um Eitic in Oifigí Poiblí, a cheadú fresin chun tuilleadh faisinéise a fháil faoi cad is síntiús ann. Féadfaidh comhalta freisin comhairle a lorg ó CCOP maidir le saincheist na síntiús.

Maidir le maoin arna soláthar duit ná arna tabhairt ar iasachta duit ná le seirbhís arna soláthar duit ag do pháirtí polaitíocha, tá siad inchláraithe má bhíonn siad de bhréis ar na gnáthsheirbhísí agus tacáiochtaí a sholáthraíonn an páirtí do chomhaltaí de ghnáth.

Má bhaineann seirbhísí inchláraithe le seirbhísí dlí agus/ná le seirbhísí liachta (lena n-áirítear seirbhísí síciatracha ná síceolaíocha) is leor a rá gur soláthraíodh na seirbhísí agus ní gá sonráí ar bith breise a chlárú.

7. Saoráidí taistil, etc.

Ní mór saoráidí taistil, cóiríocht mhaireachtála, béilí ná siamsaíocht arna soláthar le linn na tréimhse clárúcháin lena mbaineann saor in aisce ná ar praghas níos lú ná an praghas tráchtála a nochtadh.

Ní chuirtear san áireamh saoráidí taistil, cóiríocht mhaireachtála, béilí ná siamsaíocht arna soláthar duit, uair amháin ná níos mó ná uair amháin, saor in aisce le linn na tréimhse clárúcháin lena mbaineann ag an duine céanna i gcás gur lú ná €650 an praghas tráchtála ná comhiomlán na bpraghanna tráchtála, ná i gcás nach mó ná €650 an difríocht idir an praghas a íocadh agus an praghas tráchtála.

Maidir le saoráidí taistil a eascraíonn as fabhrú creidmheasanna ó scéimeanna dílseachta custaiméirí lena bhfuil feidhm i gcoitinne, níl siad inchláraithe.

Ina theannta sin, *ní chuirtear san áireamh* saoráidí taistil, cóiríocht mhaireachtála, béisí nó siamsaíocht a sholáthraítear:

- (i) laistigh den Stát, nó
- (ii) le linn duit agus chun críche d'fheidhmeanna mar chomhalta a fheidhmiú, nó
- (iii) le linn nó chun críche aon trádála, gairme, fostáiochta nó slí bheatha eile (seachas mar chomhalta, mar shealbhóir oifige, mar shealbhóir stiúrthóireachta ainmnithe, mar dhuine atá i seilbh post ainmnithe nó mar chomhairleoir speisialta), nó
- (iv) i gcás comhalta, ag an Aontas Idir-Pharlaiminteach nó ag aon cheann de na comhlacthaí sonraithe a leanas: Comhairle na hEorpa agus a Coistí, an Eagraíocht um Shlándáil agus Chomhar san Eoraip, Tionól Aontas Iarthar na hEorpa, Tionól Parlaiminteach na Breataine agus na hÉireann, an Cumann Idir-Pharlaiminteach Thuaidh/Theas, an Chomhdháil Idir-Pharlaiminteach ar an gComhbheartas Eachtrach agus Slándála, an Comhbheartas Slándála agus Cosanta agus/nó ag parlaimintí eile chun críoch cuairteanna déthaobhacha, nó
- (v) mar chomhalta, ag aon eagraíocht stát nó rialtas eile ar comhalta nó comhlacht di an Stát seo nó an Rialtas nó a bhfuil an Stát seo nó an Rialtas i gcomhlachas léi.

Tuilleadh nithe *nach gcuirtear san áireamh* is ea saoráidí taistil, cóiríocht mhaireachtála, béisí nó siamsaíocht arna soláthar mar bhronntanas ar *chúiseanna pearsanta amháin*

- (i) ag gaol nó páirtnéir sibhialta nó cara leat, nó
- (ii) ag cara nó gaol de chuid do chéile nó do pháirtnéara shibhialta, nó
- (iii) ag cara nó gaol nó páirtnéir sibhialta de chuid do linbh nó de chuid leanbh do chéile *mura rud é* go bhféadfaí a mheas le réasún, maidir le glacadh an bhronntanas sin, go bhféadfad sé tionchar ábhartha a imirt ort i gcomhlónadh d'fheidhmeanna mar chomhalta.

Ar leith ón gceanglas atá ann maidir le ráitis agus dearbhú leasanna inchláraithe a ullmhú de bhun ailt 5 agus 7 de na hAchtanna um Eitic, eascraíonn oibleagáidí tuairiscithe as glacadh le saorthaisteal nó le taisteal urraithe mar a leagtar amach san Acht Toghcháin, 1997, arna leasú (Acht 1997). Údar imní don Choimisiún um Chaighdeáin in Oifigí Poiblí is ea na himpleachtaí atá ann faoi reachtaíocht toghcháin maidir le Comhaltaí do ghlacadh le saorthaisteal nó le taisteal urraithe. In alt 22(2)(a) d'Acht 1997, míntear síntiús mar *aon ranníoc arna thabhairt chun críocha polaitíochta*. Is mar seo a leanas a mhínítear críocha polaitíochta, *inter alia*, in alt 22(2)(aa)(i)(IV) –

leasanna tríú páirtí a chur chun chinn, go díreach nó go neamhdhíreach, nó cur ina gcoinne, go díreach nó go neamhdhíreach, i dtaca le seoladh nó bainistiú aon fheachtas a sheoltar d'fhonn toradh áirithe a chur chun cinn nó a thabhairt i gcrích i ndáil le beartas nó beartais nó feidhmeanna de chuid an Rialtais nó aon údaráis phoiblí;

D'fhéadfadh taisteal agus cóiríocht atá saor in aisce/urraithe teacht faoi bhrí an mhínithe ar shíntiús agus tá síntiús den sórt sin faoi réir na ngnáth-thairseach comhiomlánaithe agus tuairiscithe agus na ngnáth-theorainneacha síntiús. €1,000 is ea an síntiús uasta ar féidir le Comhalta glacadh leis ó dhuine aonair nó deontóir corporaithe cláraithe in aon bhliain féilire amháinanois agus ní foláir nochtadh a dhéanamh ar gach síntiús is mó ná €600 sa chomhiomlán ar Ráiteas Síntiús bliantúil an Chomhalta. Is cion é ráiteas síntiús bréagach nó míthreorach a sholáthar; is cion é freisin gan an beart cuí a thógáil i ndáil le síntiús a is mó ná an teorainn fhorordaithe.

Measann an Coimisiún um Chaighdeáin gur chóir do chomhaltaí cúram a ghlacadh lena chinntiú nach sáraíonn siad forálacha na nAchtanna Toghcháin maidir le síntiús a ghlacadh. Is cóir aon fhiosruithe ar an ábhar seo a chur chuig an gCoimisiún um Chaighdeáin.

8. Post lena nGabhann Luach Saothair.

Is cóir clárú a dhéanamh ar aon phost lena ngabhann luach saothair a shealbhaíonn tú mar bhrústocaire polaitíochta, mar bhrústocaire gnóthaí poiblí, mar shainchomhairleoир nó mar chomhairleoир le linn na tréimhse clárúcháin lena mbaineann.

9. Conarthaí.

Ní mór duit clárú a dhéanamh ar leas in aon chonradh/chonarthaí ar pháirtí ann nó iontu thú nó a raibh leas agat ann nó iontu ar aon bhealach, go díreach nó go neamhdhíreach, is conradh/conarthaí chun earraí nó seirbhísí a sholáthar d'Aire den Rialtas nó do chomhlacht poiblí le linn na tréimhse clárúcháin más rud é gur mhó ná €6,500 luach na n-earraí nó na seirbhísí a soláthraíodh le linn na tréimhse sin a dúradh.

Tabhair do d'aire gurb í an tástail is tábhactaí sa chás seo ná cibé acu ba mhó ná €6,500 luach na n-earraí agus/nó na seirbhísí a soláthraíodh iarbhír trí chonradh amháin (nó níos mó) le linn na tréimhse clárúcháin.

10. Treoir Ghinearálta.

- Más rud é nach raibh *aon* leasanna inchláraithe agat le linn na tréimhse clárúcháin ní mór duit, laistigh den amscála céanna, ráiteas ina leith sin a thabhairt do Chléireach an tSeanaid.
- Má tá leas agat nach leas inchláraithe é féadfaidh tú, más mian leat, aon tráth, ráiteas maidir leis an leas a ullmhú agus é a thabhairt don Chléireach. I gcás go dtabharfar ráiteas maidir leis an leas sin, beidh feidhm ag na hAchtanna um Eitic agus beidh éifeacht leo amhail is gur leas inchláraithe an leas.
- Má thagann aon athrú ar do chuid leasanna inchláraithe féadfaidh tú, más amhlaidh gur mian leat, ráiteas i scríbhinn maidir leis an athrú a thabhairt don Chléireach.
- Más rud é go gcuireann an Coimisiún comhairle ort faoi alt 12 d'Acht 1995 á rá gur leas inchláraithe é leas, ní mór duit ráiteas a thabhairt don Chléireach maidir leis an leas

sin.

- Má thagann tú chun bheith i do chomhalta i ndiaidh dáta clárúcháin féadfaidh tú, roimh an gcéad dáta clárúcháin eile, ráiteas maidir le do leasanna inchláraithe a thabhairt don Chléireach.
- Má thagann tú chun bheith i do shealbhóir oifige i ndiaidh dáta clárúcháin féadfaidh tú, roimh an gcéad dáta clárúcháin eile, ráiteas maidir le do leasanna breise a thabhairt don Chléireach agus tabharfaidh an Cléireach cóip den ráiteas don Taoiseach agus don Choimisiún um Chaighdeáin in Oifigí Poiblí.

Dearbhú Leasanna in Imeachtaí

De réir alt 7 d'Acht 1995, má bheartaíonn tú labhairt nó vótáil in imeachtaí i Seanad Éireann, i gcoiste de Sheanad Éireann nó i gcomhchoiste den dá Theach agus

- (a) má tá **eolas iarbhir** agat go bhfuil leas ábhartha agat nó ag **duine bainteach** in ábhar na n-imeachtaí agus
- (b) más rud é nár dhearbhaigh tú an leas sin faoin ráiteas maidir le leasanna inchláraithe a thug tú don Choimisiún, i gcás gur leagadh an ráiteas sin faoi bhráid Sheanad Éireann,*

ansin:

- (i) má bheartaíonn tú labhairt, ní foláir duit dearbhú maidir leis an leas a dhéanamh roimh d'óráid nó lena linn, agus
- (ii) má bheartaíonn tú vótáil ach gan labhairt, ní foláir duit an dearbhú a dhéanamh i scríbhinn agus é a thabhairt do Chléireach an tSeanaid nó don Chléireach don choiste lena mbaineann, mar is cuí, roimh vótáil.

Is cóir a thabhairt do d'aire, chun críche an cheanglais seo amháin, go bhfuil leas ábhartha agat nó ag duine bainteach in ábhar na n-imeachtaí más rud é go bhféadfadh sé gurbh é toradh nó éifeacht aon chinnidh ón Teach nó ón gcoiste nó ón gcomhchoiste lena mbaineann, nó ón Rialtas nó ó shealbhóir oifige, maidir leis an ábhar go dtabharfaí **sochar** suntasach duit, nó do dhuine bainteach nó go gcoimeádfaí **sochar** suntasach siar uait nó ó dhuine bainteach nó go bhforchuirfí ort féin nó ar dhuine bainteach caillteanas suntasach, dliteanas suntasach, éiric shuntasach, forghéilleadh suntasach, pionós suntasach nó míbhuntáiste eile, gan í a thabhairt freisin do dhaoine i gcoitinne nó d'aicme daoine atá sách líonmhar ag féachaint do na himthosca go léir, agus ar duine den aicme sin tú féin nó duine bainteach, nó gan í a choimeád siar ó na daoine sin nó ón aicme sin daoine freisin nó gan iad a fhochur ar na daoine sin nó ar an aicme sin daoine freisin.

I gcás go mbeartaítear comhairle an Choiste a lorg maidir le feidhm an cheanglais seo in aon chás áirithe, iarrtar ar chomhaltaí a chur in iúl don Choiste a luithe agus is féidir go bhfuil comhairle den sórt sin ag teastáil. Déanfaidh an Coiste dian-iarracht comhairle den sórt sin a thabhairt chomh luath agus is féidir.

Maidir le comhalta a lorgaíonn comhairle agus nach bhfaigheann an chomhairle roimh an óráid nó an vóta lena mbaineann,

- a) i gcás óráide, dearbhóidh sé nó sí sna himeachtaí lena mbaineann go ndearnadh an iarraidh agus ar an gcomhairle a fháil, tabharfaidh sé nó sí cónaí di do Chléireach an tSeanaid nó don Chléireach don Choiste, de réir mar is cuí, agus
- b) i gcás vótála, déanfaidh sé nó sí an iarraidh ar chomhairle a dhearbhú i scríbhinn agus tabharfaidh sé nó sí do Chléireach an tSeanaid nó don Chléireach don Choiste, de réir mar is cuí, dearbhú i scríbhinn den chomhairle nuair a fhaightear é.

* Má tá amhras ar chomhalta cibé acu a leagadh a ráiteas maidir le leasanna inchláraithe faoi bhráid an Tí nó nár leagadh, is cóir dearbhú a dhéanamh de réir (i) nó (ii) thuas, de réir mar is iomchuí.

Gníomhartha sonraithe

Gníomh sonraithe is ea gníomh nó neamhghníomh dá dtagraítear in alt 4(1)(a) d'Acht 2001. Chun bheith ina ghníomh sonraithe, ní mór don ghníomh nó don neamhghníomh, nó d'imthosca an ghnímh nó an neamhghnúmh:

1. (a) a bheith ar neamhréir le comhlónadh cuí fheidhmeanna na hoifige nó an phoist, nó
(b) a bheith ar neamhréir le muinín i gcomhlónadh den sórt sin ag an bpobal i gcoitinne a choinneáil,
agus
2. a bheith ina ní a ngabhall tábhacht shuntasach phoiblí leis.

Ní mór duit a choimeád i d'agine go bhféadfadh gníomhartha nó neamhghníomhartha ar do thaobhsa a bheith ann a bhféadfaí a mheas ina leith, cé nach bhfuil siad neamhdhleathach, go bhfuil siad ar neamhréir iontu féin nó ar neamhréir ina gcomhthéacs maidir le d'fheidhmeanna agus do dhualgais mar chomhalta a chomhlónadh go cuí, ní le do chumhachaí mar chomhalta a fheidhmiú go cuí, ní le muinín ag an bpobal i gcoitinne a choinneáil sa chomhlónadh ní san fheidhmiú sin.

Agus cinneadh á dhéanamh i dtaobh an ní lena ngabhall tábhacht shuntasach phoiblí é ní, is cóir do chomhaltaí a thabhairt dá n-aire go bhfuil an treoir in alt 4(5)(b) d'Acht 2001 ann chun na dálaí a aithint a fhágann nach foláir a rá gur ní é, i gcás go measann an Coiste gur cuí déanamh amhlaidh, lena ngabhall tábhacht shuntasach phoiblí, i.e. maidir le tairbhe a líomhnaítear a bheith faigte ag duine sonraithe ní ag duine bainteach, gur lú é, ní go bhféadfaí a bheith ag súil leis gur lú é, ná €12,697.00, i dtuairim an Choiste. Ní chóir an t-alt seo a fhorléiriú, áfach, mar ní a chiallaíonn nach bhféadfaí, maidir le nithe ar lú a luach ná €12,697.00, a mheas gur nithe iad lena ngabhall tábhacht shuntasach phoiblí. Ní mór don Choiste féachaint do “na himthosca uile” le linn dó cinneadh a dhéanamh i dtaobh an ní lena ngabhall tábhacht shuntasach phoiblí é ní, agus maidir leis sin is teorainn tháscach seachas teorainn chinntitheach an teorainn airgeadaíochta €12,697.00 nuair a chinntear cé acu is ní lena ngabhall tábhacht shuntasach phoiblí é ní.

Is féidir gur mhian le Comhaltaí a bheith ar an eolas go mbaineann na gearáin is minice a fhaigheann an Coiste le mí-úsáid a líomhnaítear a bhaintear as clúdaigh litreach réamhíoctha an Oireachtas. Sa chomhthéacs sin, cuirtear in iúl do Chomhaltaí go gcuirtear saoráidí saorpoist ar fáil dóibh ina gcáil mar Chomhaltaí den Oireachtas agus i dtaca lena ndualgais mar ionadaithe poioblí. Ba chóir do chomhaltaí gach cúram réasúnach a ghlacadh chun a chinntíú go ndéanfar clúdaigh litreach réamhíoctha an Oireachtas a rialú agus a chosaint go cuí in aon oifig agus i ngach oifig atá acu.

Tá samplaí sa liosta neamhchuimsitheach thíos d'úsáid mhíchuí a d'fhéadfadh comhaltaí a bhaint as clúdaigh litreach réamhíoctha an Oireachtas:

- (i) comhalta do dheonú clúdaigh litreach réamhíoctha do phearsa aonair, do ghrúpa ní d'eintiteas;
- (ii) clúdaigh litreach réamhíoctha a úsáid ar mhaithe le críocha príobháideacha tráchtála;
- (iii) clúdaigh litreach réamhíoctha a úsáid chun críoch toghcháin;

- (iv) clúdaigh litreach réamhíoctha arna n-úsáid ag aon duine seachas an Comhalta lena mbaineann nó duine atá ag cabhrú go díreach leis nó léi a dhualgais mar ionadaí poiblí a chomhlíonadh;
- (v) clúdaigh litreach réamhíoctha a úsáid chun airgead a thiomsú don pháirtí;
- (vi) clúdaigh litreach réamhíoctha arna n-úsáid ag comhalta chun airgead a thiomsú; agus
- (vii) comhalta do dheonú cuid dá liúntas le haghaidh clúdaigh litreach réamhíoctha nó é go léir do pháirtí polaitíochta, do chomhalta den Oireachtas, nó d'aon chomhlacht eile.

Deimhnithe Imréitigh Cánach agus Dearbhuithe Reachtúla chun críoch Toghcháin

I dteannta an ráitis maidir le leasanna inchláraithe, ceanglaítear ort freisin, nach faide ná naoi mí i ndiaidh do thofa chun an tSeanaid, Deimhniú Imréitigh Cánach cuí (a eisíodh duit nach faide ná 9 mí roimh dháta an toghcháin agus nach faide ná 9 mí dá éis), nó ráiteas iarratais (a eisíodh duit agus a rinneadh nach faide ná 9 mí roimh dháta an toghcháin agus nach faide ná 9 mí dá éis), a thabhairt don Choimisiún um Chaighdeán in Oifigí Poiblí.

Ina theannta sin, ceanglaítear ar Chomhaltaí (aon mhí amháin roimh thoghchán nó aon mhí amháin dá éis) Dearbhú Reachtúil mar a leagtar amach in Alt 21 d'Acht 2001 a dhéanamh. Ní mór don Dearbhú a bheith sa chéill, tráth déanta an dearbhaithe, go bhfuil tú, mar is fearr is eol duit agus mar a chreideann tú, ag déanamh de réir na n-oibleagáidí sonraithe (i.e. aon cháin, ús nó pionós a cheanglaítear ort a íoc nó a chur ar aghaidh chuig na Coimisinéirí Ioncaim faoi na hAchtanna éagsúla dá dtagraítear san alt a bheith íoctha nó curtha ar aghaidh, agus aon tuairisceáin a cheanglaítear a dhéanamh faoi na hAchtanna a bheith déanta) agus nár choisc aon ní in alt 21(2) ar dheimhniú imréitigh cánach a eisiúint duit.

Ní mór freisin an Dearbhú Reachtúil a thabhairt don Choimisiún um Chaighdeán in Oifigí Poiblí tráth nach faide ná naoi mí tar éis a bheith tofa chuig Seanad Éireann.

Má sháraíonn tú an t-alt seo (i.e. alt 21) ní mór duit ‘*chomh luath agus is féidir*’ deimhniú imréitigh cánach a eisíodh duit laistigh den mhí sin ná dearbhú reachtúil a rinneadh laistigh den mhí sin a thabhairt do CCOP á rá, tráth déanta an dearbhaithe, go bhfuil tú ag comhlíonadh Acht 2001.

Tabhair do d'aire nach n-eascraíonn an ceanglas thusa ach amháin ar thoghchán. Ní eascraíonn sé go bliantúil.

Chun críche na n-oibleagáidí seo, folaíonn ‘toghchán’ duine arna ainmniú ná arna hainmniú ag an Taoiseach chun bheith ina Chomhalta ná ina Comhalta de Sheanad Éireann (de réir alt 21 (2) d'Acht 2001).

Foscríbhinn 1 - Mínithe

Sa liosta thíos tá rogha mínithe a sholáthraítear sna hAchtanna Eitice (ach amháin nuair a luaitear a mhalairt go sonrach) agus dá dtagraítear sna treoirlínte. Ba chóir duit na hAchtanna Eitice a cheadú le haghaidh liosta mínithe níos cuimsithí.

ciallaíonn “**eolas iarbhir**” eolas atá iarbhir, síreacht agus pearsanta ar leith ó eolas atá inchiallaithe, intuigthe nó inbharúilte, agus foláonn sé, i ndáil le fíoras, creidiúint gurb ann dó ar de chineál iad na forais le creidiúint amhlaidh nach bhféadfadh duine réasúnach atá feasach orthu a bheith in amhras gurb ann don fhíoras nó gan a chreidiúint gurb ann dó;

ráiteas is ea “**ráiteas iarratais**” a eisíonn an tArd-Bhailitheoir do chomhalta lena ndearbhaítear go bhfuil iarratas déanta ag an duine chuige nó chuici chun deimhniú imréitigh cánach a eisiúint agus nach bhfuil cinneadh déanta ar an iarratas. Ní eiseofar ráiteas den sórt sin ach amháin i gcás go ndearna duine iarratas ar dheimhniú imréitigh cánach agus (a) nach mbeidh cinneadh tugtha ag an Ard-Bhailitheoir i dtaobh deimhniú den sórt sin a eisiúint nó diúltú é a eisiúint, nó (b) gur dhiúltaigh an tArd-Bhailitheoir deimhniú den sórt sin a eisiúint agus go bhfuil an diúltú ina ábhar d’achomharc nó d’achomharc breise faoi alt 1094(7) den Acht Comhdhlúite Cánacha, 1997 (arna chur chun feidhme le fo-alt 25(4)), nach mbeidh cinneadh déanta air,

folaíonn “**sochar**”-

- (a) ceart, pribhléid, oifig nó dínit agus aon staonadh ó airgead nó luach airgid nó rud luachmhar a éileamh,
- (b) aon chúniamh, vóta, toiliú nó tionchar nó aon chúniamh, vóta, toiliú nó tionchar dúmais,
- (c) aon bhrónntanas, iasacht, táille, luaíocht nó rud eile a dúradh a gheallúint nó a fháil, nó comhaontú nó iarracht a dhéanamh chun an céanna a fháil, nó a thabhairt le tuiscint go bhfuil súil leis an gcéanna,

nó buntáiste eile agus caillteanas, dliteanas, pianbhreith, forghéilleadh, pionós nó míbhuntáiste eile a sheachaint;

ciallaíonn “**páirtnéir sibhialta**” i ndáil le duine, páirtnéir sibhialta de réir bhrí an Achta um Páirtnéireacht Shíbhialta agus um Chearta agus Oibleagáidí Áirithe de chuid Comhchónaitheoirí, 2010 ach ní folaíonn sé páirtnéir sibhialta atá ina chónaí nó ina cónaí ar leithligh ón duine agus scartha uaidh nó uaithi; “Chun críocha an Achta seo, is páirtnéir sibhialta ceachtar de bheirt den ghnéas céanna (a) ar páirtithe iad i gclárúchán páirtnéireachta sibhialta nár scaoleadh nó nach ábhar d’fhoraithne neamhnithe, nó (b) ar páirtithe iad i gcaidreamh dlíthiúil d’aicme is ábhar d’ordú arna dhéanamh faoi alt 5 agus nár scaoleadh nó nach ábhar d’fhoraithne neamhnithe” (Alt 3, an tAcht um Páirtnéireacht Shíbhialta agus um Chearta agus Oibleagáidí Áirithe de Chuid Comhchónaitheoirí, 2010).

ciallaíonn “**praghás tráchtála**”, i ndáil le maoin a sholáthar, cibé acu réadach nó pearsanta, nó seirbhís a sholáthar,

ciallaíonn “**comaoín tráchtála**”, i ndáil le maoin a thabhairt ar iasacht -

- (a) i gcás go seolann an duine a dhéanann an mhaoin a sholáthar nó a thabhairt ar iasachta ná an tseirbhís a sholáthar, gnó arb éard é go hiomlán ná go páirteach maoin a sholáthar ná a thabhairt ar iasachta ná seirbhís a sholáthar, an praghas ná an chomaoin is ísle a ghearrann sé ná sí ar mhéid comhionann maoine den chineál céanna a sholáthar ná a thabhairt ar iasachta i ngnáthchúrsa gnó ná ar sholáthar seirbhíse den chineál céanna agus a mhéid céanna (agus lamháil á déanamh maidir le haon lascaine a thugann sé ná sí de ghnáth i leith maoine den chineál céanna a sholáthar ná a thabhairt ar iasachta ná seirbhís den chineál céanna a sholáthar) an tráth ná thart faoin tráth a rinneadh an soláthar maoine céadluaithe ná a tugadh an iasachta maoine chéadluaithe ná a rinneadh an soláthar seirbhíse céadluaithe, agus
- (b) i gcás nach seolann an duine a dhéanann an mhaoin a sholáthar ná a thabhairt ar iasachta ná an tseirbhís a sholáthar, gnó arb éard é go hiomlán ná go páirteach maoin a sholáthar ná a thabhairt ar iasachta ná seirbhís den chineál céanna a sholáthar, an praghas ná an chomaoin is ísle ar a bhféadfaí méid comhionann maoine den chineál céanna a cheannach ná a thógáil ar iasachta ná seirbhís den chineál céanna agus a mhéid céanna a fháil i ngnáthchúrsa gnó (agus lamháil á déanamh maidir le haon lascaine a thugtar de ghnáth i leith maoine den chineál céanna a sholáthar ná a thabhairt ar iasachta ná seirbhís den chineál céanna a sholáthar) an tráth ná thart faoin tráth a rinne duine a sheolann gnó den sórt sin an soláthar maoine céadluaithe ná a thug sé ná sí an iasachta maoine chéadluaithe ná a rinne sé ná sí an soláthar seirbhíse céadluaithe;

ciallaíonn “**cuideachta**” aon chomhlacht corporaithe. Is cóir go dtuigtear gur aon chuideachta arna foirmiú agus arna clárú faoi Acht na gCuideachtaí, 2014 ná cuideachta láithreach de réir bhrí an Achta sin atá i gceist;

“duine bainteach”: Meastar baint a bheith ag duine le duine eile sna cásanna seo a leanas:

- (i) más gaol don duine eile an duine sin;
- (ii) más comhpháirtí gnó de chuid an duine eile an duine sin;
- (iii) más iontaobhaí iontaobhais an duine sin i gcás gur tairbhí den iontaobhas an duine eile, ná aon duine dá leanaí, ná comhlacht corporaithe atá faoina rialú aige ná aici;
- (iv) tá baint ag cuideachta le duine eile má tá sí faoina rialú aige ná aici, ná má tá sí faoina rialú ag an duine sin agus ag aon duine atá bainteach leis an duine sin le chéile;
- (v) maidir le haon bheirt ná níos mó daoine a ghníomhaíonn le chéile chun rialú ar chuideachta a áirithíú ná a fheidhmiú, measfar, i ndáil leis an gcuideachta sin, gur daoine iad a bhfuil baint acu lena chéile agus le haon duine a ghníomhaíonn ar ordacháin ó aon duine acu chun rialú ar an gcuideachta a áirithíú ná a fheidhmiú.

D’fhoinn nithe a bhaineann le heitic agus le heasaontachtaí leasanna faoi aon riaill dlí ná aon achtachán a chinneadh maidir le duine, aon tagairt do “duine bainteach” ná do “gaol bainteach” leis an duine sin, forléireofar í mar thagairt a fholaíonn páirtnéir sibhialta an duine agus leanbh le páirtnéir sibhialta an duine a bhfuil gnáthchónaí air ná uirthi leis an duine agus leis an bpáirtnéir sibhialta.

tá le “**rialú**” an bhrí a shanntar dó le halt 157 den Acht Cánach Corparáide, 1976 agus forléireofar aon fhocail ghaolmhara dá réir sin.

ciallaíonn “**stiúrthóir de facto**” an post a bheidh á shealbhú ag duine is stiúrthóir *de facto* de réir bhrí Acht na gCuideachtaí, 2014, nó, i gcás comhlacht poiblí nach cuideachta (de réir bhrí Acht na gCuideachtaí, 2014) agus a shonraítear i bhfomhír (8), (9), (10), (11) nó (12), nó a bheidh forordaithe chun críocha fhomhír (13) de mhír 1 den Chéad Sceideal (a ghabhann leis an Acht), duine i bpost stiúrthóra ar chuideachta ach nach bhfuil ceaptha go foirmiúil mar stiúrthóir.

ciallaíonn “**stiúrthóir**” stiúrthóir de réir bhrí Acht na gCuideachtaí, 2014, ach folaíonn sé, i gcás comhlacht poiblí nach cuideachta (de réir bhrí Acht na gCuideachtaí, 2014) agus a shonraítear i *bhfmhír* (8), (9), (10), (11) nó (12), nó a bheidh forordaithe chun críocha *fhomhír* (13) de mhír 1 den Chéad Sceideal, duine ar comhalta de é nó í, nó ar comhalta é nó í d'aon bhord nó comhlacht eile a rialaíonn, a bhainistíonn nó a riarrann é, agus forléireofar aon fhocail ghaolmhara dá réir sin;

folaíonn “**feidhmeanna**” cumhachtaí agus dualgais agus aon tagairtí do chomhlíonadh feidhmeanna folaíonn siad, maidir le cumhachtaí agus dualgais, tagairtí d'fheidhmiú na gcumhachtaí agus do chomhall na ndualgas;

ciallaíonn “**bronntanas**” bronntanas airgid nó maoine eile ach ní folaíonn sé síntiús (de réir bhrí an Achta Toghcháin, 1997 arna leasú);

Le haghaidh tuilleadh faisnéise maidir le cad is síntiús ann is cóir do chomhaltaí an doiciméad a d'eisigh an Coimisiún um Chaighdeáin in Oifigí Poiblí (CCOP) dar teideal “*Treoirlínnte do Chomhltai de Thithe an Oireachtais agus d'Ionadaithe i bParlaimint na hEorpa maidir le síntiús a ghlacadh, a bhainistiú agus a noctadtadh*” a bhaineann le síntiús agus síntiús thoirmiscthe a cheadú. Ina theannta sin, is cóir do chomhaltaí na hAchtanna Toghcháin, 1992 – 2017, lena rialáitear síntiús agus na hoibleagáidí maidir le noctadtadh ar leith a eascraíonn faoin reachtaíocht sin, a cheadú. Féadfaidh comhalta comhairle a lorg freisin ó CCOP maidir le síntiús.

folaíonn “**tabhair ar iasacht**” léasú nó ligean agus forléireofar aon fhocail ghaolmhara dá réir sin;

ciallaíonn “**maoin**” maoin réadach nó phearsanta. [Measfar leas a bheith ag duine i maoin más rud é go measfaí, chun críocha an Achta um Cháin Fháltas Caipitiúil, 1976, an chumhacht a bheith aige nó aici an leas sin a dhiúscairt.];

ciallaíonn “**dáta clárúcháin**”, i ndáil le Seanad Éireann agus lena chuid comhaltaí agus lena Chléireach-

- (i) an 31 Nollaig nó, i gcás go mbeidh Dáil Éireann ar lánscor ar an dáta sin, an dáta a bheidh 30 lá tar éis dháta an chéad chruinnithe de Sheanad Éireann tar éis an 31 Nollaig.

ciallaíonn “**gaol**” i ndáil le duine, deartháir, deirfiúr, tuismitheoir nó céile an duine nó leanbh leis an duine nó leis an gceíle;

ciallaíonn “**stiúrthóireacht fholaitheach**” an post a bheidh á shealbhú ag duine is stiúrthóir folaitheach de réir bhrí Acht na gCuideachtaí, 2014, nó i gcás comhlacht poiblí nach cuideachta

(de réir bhrí Acht na gCuideachtaí, 2014) agus a shonraítear i bhfomhír (8), (9), (10), (11) nó (12), nó a bheidh forordaithe chun críocha fhomhír (13) de mhír 1 den Chéad Sceideal (a ghabhann leis an Acht), an post a bheidh á shealbhú ag duine ar gnách le comhaltaí an chomhlachta nó le comhaltaí an bhoird nó an chomhlachta eile a rialaíonn, a bhainistíonn nó a riarrann an comhlacht sin gníomhú de réir treoracha nó ordacháin uaidh nó uaithi;

ciallaíonn “**gníomh sonraithe**” gníomh nó neamhghníomh dá dtagraítear in alt 4(1)(a) d’Acht 2001. Ciallaíonn gníomh sonraithe ag comhalta gníomh nó neamhghníomh arna dhéanamh aige nó aici, maidir le himthosca an chéanna, gur imthosca iad de chineál a bheidh ar neamhréir le comhlíonadh cuí fheidhmeanna na hoifige nó an phoist aige nó aici nó le muinín an phobail i gcoitinne sa chomhlíonadh sin a choinneáil; agus gur ní é a ngabhann tábhacht shuntasach phoiblí leis. Folaíonn gníomh sonraithe ag comhalta freisin gníomh nó neamhghníomh dá dtagraítear in alt 4(1)(a) d’Acht 2001 arna dhéanamh ag duine a mheastar, de bhun an Acharta, gur duine é nó í atá bainteach leis an gcomhalta.

Ní mheasfar an méid thuasluaite a bheith ina ghníomh sonraithe, áfach, más rud é—

(a) go mbaineann sé le ní príobháideach agus nach bhfuil baint aige le feidhmeanna na hoifige ná an phoist a bhfuil an duine sonraithe ina dhuine den sórt sin faoina threoir nó faoina treoir, nó

(b) go dtagann sé as neamhinniúlacht nó neamhéifeachtúlacht maidir le feidhm den sórt sin a chomhlíonadh, nó as mainneachtain feidhm den sórt sin a chomhlíonadh, ar thaobh an duine shonraithe. (féach a.4(2) d’Acht 2001)

ní fholaíonn “**céile**”, i ndáil le duine, céile atá ina chónaí nó ina cónaí ar leithligh ón duine agus scártha uaidh nó uaithi;

ciallaíonn “**luach**”, i ndáil le bronntanas, an praghas a gheofaí ar an maoin is ábhar don bhrónntanas dá ndíolfaí ar an margadh oscailte í ar an dáta a tugadh an bronntanas ar cibé modh agus faoi réir cibé coinníollacha ba dhóigh le réasún a tharraingeodh an praghas ab fhéarr ar an maoin don díoltóir, agus forléireofar aon fhocail ghaolmhara dá réir sin.

FOSCRÍBHINN 2 – CÓD IOMPAIR LE HAGHAIDH CHOMHALTAÍ SHEANAD ÉIREANN SEACHAS SEALBHÓIRÍ OIFIGE

RÉAMHRÁ

Déanann Comhaltaí Sheanad Éireann seachas sealbhóirí oifige (dá ngairtear 'Comhaltaí' ina dhiaidh seo) a aithint gurb é a leas aonair agus comhchoiteann é muinín agus iontaoibh an phobail as a n-ionracas mar phearsana aonair, agus as Seanad Éireann mar fhoras, a chothú agus a bhuanú. Chun na críche seo, is cóir do Chomhaltaí gníomhú faoi threoir na maitheasa poiblí i gcónaí agus a chinntiú i gcónaí gur ar mhaithe le leas an phobail a dhéanann siad a gcuid gníomhartha agus cinntí.

De bhun Airteagal 15.10 den Bhunreacht agus de réir Alt 10 den Acht um Chaighdeán in Oifigí Poiblí, 2001, ghlac na Comhaltaí leis an gCód Iompair seo arb é an cuspóir atá leis cuidiú le Comhaltaí i gcomhlíonadh a n-oibleagáidí ar shlí atá i gcomhréir lena bhfeidhmeanna mar Chomhaltaí de Sheanad Éireann a chomhlíonadh go cuí.

AN CÓD

1. Ní foláir do Chomhaltaí, de mheon macánta, iarracht a dhéanamh an iontaoibh a chuireann an pobal iontu a chaomhnú, agus an tionchar is féidir leo a imirt mar gheall ar a gcomhaltas de Sheanad Éireann a fheidhmiú ar shlí a chuirfidh le leas an phobail.
2. Ní foláir do Chomhaltaí iad féin a iompar de réir fhorálacha agus spiorad an Chóid Iompair agus a chinntiú nach ndéanfaidh a n-iompar míchlú a tharraingt ar ionracas a n-oifige nó an tSeanaid.
3. (i) Tá oibleagáid ar leith ar Chomhaltaí iad féin a iompar ar shlí atá i gcomhréir lena bhfeidhmeanna mar Chomhaltaí de Sheanad Éireann a chomhlíonadh go cuí agus le hiontaoibh an phobail as an gcomhlíonadh sin acu a chaomhnú.
(ii) Ní foláir do Chomhaltaí plé le húdaráis atá ag gabháil do riachán poiblí agus don dlí a chur i bhfeidhm ar shlí atá i gcomhréir lena róil mar ionadaithe poiblí agus mar reachtóirí.
4. (i) Bíonn easaontacht leasa ann i gcás ina nglacann Comhalta páirt i gcinneadh a dhéanamh, nó ina ndéanann Comhalta cinneadh, i bhfeidhmiú a oifige nó a hoifige dó nó di agus a fhios aige nó aici go gcuirfidh an cinneadh go míchóir agus go mímhacánta lena leas airgeadais príobháideach nó le leas airgeadais príobháideach duine eile go díreach nó go neamhdhíreach.
(ii) Ní bhíonn easaontacht leasa ann i gcás nach ndéantar sochar do Chomhalta nó do dhuine eile ach amháin mar dhuine den phobail i gcoitinne nó mar dhuine d'aicme leathan daoine.
5. (i) Ní foláir do Chomhaltaí a n-iompar a bhunú ar thuiscint do leas an phobail agus tá gach Comhalta ar leith acu freagrach as easaontachtaí leasa a chosc.
(ii) Ní foláir do Chomhaltaí féachaint lena ngnóthaí airgeadais príobháideacha a eagrú ionas nach dtiocfaidh easaontachtaí leasa den sórt sin chun cinn agus gach

beart réasúnach a dhéanamh chun aon easaontacht den sórt sin a réiteach go tapa agus ar an tslí is fearr a dhéanfaidh leas an phobail.

6. Ní ceadmhach do Chomhaltaí aon sochar nó brabús airgeadais a shireadh, a ghlacadh nó a fháil as aon Bhille nó tairiscint le haghaidh rúin nó ordaithe a chur chun cinn nó as vótáil ar aon cheann den chéanna nó as aon cheist a bheidh curtha chuig an Seanad nó chuig aon cheann dá choistí.
7. Ní foláir do Chomhaltaí ceanglais an tSeanaid agus an dlí maidir leis na hAchtanna um Eitic in Oifigí Poiblí a chomhall go coinsiasach agus, chun cuidiú leo déanamh amhlaidh, is cóir dóibh iad féin a chur ar an eolas faoin reachtaíocht agus faoi na treoirlínte iomchuí a fhoilsíonn an Coiste um Leasanna Comhultaí agus an Coimisiún um Chaighdeáin in Oifigí Poiblí, de réir mar is cuí, ó am go ham.
8. (i) Ní ceadmhach do Chomhultaí glacadh le bronntanas a d'fhéadfadh a bheith ina údar le heasaontacht leasa nó a d'fhéadfadh cur isteach ar fheidhmiú macánta neamhchlaonta a ndualgas oifigiúil.
(ii) Is ceadmhach do Chomhultaí glacadh le bronntanais theagmhasacha agus le hoineach gnásúil.
9. I gcomhlíonadh a ndualgas oifigiúil dóibh, ní foláir do Chomhultaí acmhainní poiblí a chur chun feidhme go stuama agus gan iad a chur chun feidhme ach amháin le haghaidh na gcuspóirí ar lena n-aghaidh a ceapadh iad.
10. Ní ceadmhach do Chomhultaí úsáid a bhaint as faisnéis oifigiúil nach bhfuil teacht ar an bpobal uirthi, ná as faisnéis a fhaightear faoi rún i gcúrsa a ndualgas oifigiúil, ar mhaithe le gnóthachtáil phearsanta nó ar mhaithe le gnóthachtáil phearsanta daoine eile.
11. Ní foláir do Chomhultaí comhoibriú le gach Binse Fiosrúcháin agus le gach comhlacht eile a bheidh ag fiosrú nithe lena bhfuil tábhacht phoiblí agus a bheidh bunaithe ag Tithe an Oireachtas.